

Саждаи саҳвнинг саломдан кейин бўлиши



14:00 / 21.02.2021 2561

مَلَسَ وَهِيَ لَعْلَلِ لَيْلِ لَصَلِّ لَ لُؤْسَرِّ نَأُ عُنْ لَلِ يَضْرَهُ لَلِ دَبْعُنْ
لَقِ كَأَذَامٍ وَ لَقِ قَفِ؟ أَلَصَلِّ لَي دِي زَأُ هَلْ لَقِ قَفِ، أَسْمَخَ رَهْ طَلِ لَي لَص
رَشَبَ أَنْ أَمَّنْ! هِيَ أَوْرِي فَو. مَلَسَ أَم دَعَبَ نَي تَدَجَسَ دَجَسَفِ، أَسْمَخَ تَي لَص
يَتَدَجَسَ دَجَسُ مُثْ. نَوَسْنَتَ أَمَكِ يَسُنْ أَو، نَوُرُكُ دَتَ أَمَكِ رُكُ دَأُ مُكُلُ ثَم
هُ. سَمَخَ لَأُ هَا وَرِ وَهَسَلِ

Абдуллоҳ розияллоҳу анҳудан ривоят қилинади:

«Расулуллоҳ соллаллоҳу алайҳи васаллам Пешинни беш ракат ўқидилар. Бас, у зотга:

«Намозда зиёда бўлдими?» дейилди.

«Нима учун?» дедилар.

«Беш ракат ўқидингиз», дедилар.

У зот салом берганларидан кейин икки саҳв саждасини қилдилар».

Бошқа бир ривоятда келишича:

«Мен ҳам сизларга ўхшаган башарман. Сизлар эслагандек, эслайман ва сизлар унутгандек, унутаман», дедилар ва сўнгра икки саҳв саждасини қилдилар».

Бешовлари ривоят қилганлар.

Шарҳ: Ушбу ҳадисдан олинадиган фойдалар:

1. Пайғамбаримиз соллаллоҳу алайҳи васалламдан унутиш сабабли Пешинни беш ракат ўқиш содир бўлганлиги.
2. Саҳобаи киромларнинг юксак одоблари. «Намозда адашдингиз» демасдан, «Намозда зиёда бўлдими?» дейишлари.
3. Саждаи саҳвнинг саломдан кейин бўлиши.
4. Набий соллаллоҳу алайҳи васалламнинг бошқаларга ўхшаш башар эканликлари.
5. Пайғамбаримиз соллаллоҳу алайҳи васалламнинг камтарликлари.

«Ҳадис ва ҳаёт» китобидан